



Broj: 09-20-11-2-1518

Datum: 16.11.2022. godine

Na osnovu člana 43. Zakona o unutrašnjim poslovima Federacije BiH („Službene novine FBiH“, broj:81/14), čl.27. i 70. Zakona o javnim nabavkama („Službeni glasnik BiH“, broj:39/14), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2022. godinu, Zamjenik direktora Federalne uprave policije, d o n o s i:

ODLUKU

o izboru najpovoljnijeg ponuđača u predmetu „Tekuće održavanje i popravak helikoptera“ za LOT 2

I

Na osnovu obavještenja o nabavci broj 1412-3-1-114-2-1518 od 10.6.2022. godine, objavljenog u „Službenom glasniku BiH“ broj 41/22 od 24.6.2022. godine, proveden je pregovarački postupak sa objavom obavještenja o nabavci, u predmetu nabavke „Tekuće održavanje i popravak helikoptera“.

II

Na predmetnu nabavku za LOT 2, zaprimljene su dvije konačne ponude i to od ponuđača: MIPEX-AUTO RS d.o.o. Banja Luka i SHOT d.o.o. Zenica.

III

Komisija je utvrdila da ponuda ponuđača SHOT d.o.o. Zenica za LOT 2, sa cijenom 29.145,60 bez PDV-a, odnosno 34.100,35 KM sa PDV-om, a nakon pribavljenog mišljenja Sektora za materijalno-finansijske poslove da će u Budžetu biti obezbjeđena sredstava za navedeni LOT, obzirom da ponuda prevazilazi procjenjenu vrijednosti nabavke, a vodeći se kriterijima iz Tenderske dokumentacije u formalno-pravnom i tehničkom smislu zadovoljava zahtjeve ugovornog organa, te je shodno tome dala preporuku da se donese odluka o izboru najpovoljnijeg ponuđača što je i konstatovala u Zapisniku broj 09-20-11-2-1518 od 15.11.2022. godine.

IV

Obavezuje se ponuđač iz tačke 3. ove Odluke da u roku od 5 dana od dana prijema ove Odluke dostavi dokumenta navedena u Tenderskoj dokumentaciji broj protokola 09-20-11-2-1518 od 09.6.2022. godine.

V

Po okončanju roka za žalbu ugovorni organ će pozvati izabranog ponuđača radi zaključenja ugovora kojim će regulisati međusobna prava i obaveze vezane za predmetnu nabavku.

VI

Cijeneći prijedlog Komisije, zamjenik direktora Federalne uprave policije donosi Odluku kao u dispozitivu i ista stupa na snagu danom donošenja.

VII

Za izvršenje Odluke zadužuje se Sektor za materijalno-finansijske poslove.

O b r a z l o ž e n j e

Komisija za provođenje postupka nabavke u skladu sa članom 8. Zakona o javnom nabavkama za 2022. godinu, imenovana Rješenjem zamjenika direktora Federalne uprave policije, broj 09-19/1-30-2-66 od 20.01.2022. godine, postupila je shodno obavještenju o nabavci koji je objavljen u „Službenom glasniku BiH“, broj 41/22 od 24.6.2022. godine, na osnovu čega je proveden pregovarački postupak nabavke „Tekuće održavanje i popravak helikoptera“, podijeljena na lotove i to: LOT 1, LOT 2, LOT 3 i LOT 4. Procijenjena vrijednost za LOT 1 je 21.000,00 KM bez PDV-a, LOT 2 je 17.000,00 KM bez PDV-a, LOT 3 je 582,05 KM bez PDV-a i za LOT 4 je 12.700,00 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača Avio servis „IKAR“ a.d. Banja Luka, SHOT d.o.o. Zenica i MIPEX-AUTO RS d.o.o. Banja Luka. Komisija je dana 12.7.2022. godine uputila Pozive kvalifikovanim ponuđačima za dostavljanja početnih ponuda. U skladu sa navedenim rokom ponuđač Avio servis „IKAR“ a.d. Banja Luka je dostavio početnu ponudu za LOT 1, LOT 2, LOT 3 i LOT 4, ponuđač SHOT d.o.o. Zenica je dostavio početnu ponudu za LOT 2 i LOT 4, dok ponuđač MIPEX-AUTO RS d.o.o. Banja Luka nije dostavio početnu ponudu, iz razloga jer je uložio žalbu na LOT 2 i LOT 4, što je konstatovano u Zapisniku broj 09-20-11-2-1518 od 18.7.2022. godine.

Nakon što je Žalba, uložena za LOT 2 i LOT 4 od strane ponuđača MIPEX AUTO RS d.o.o. Banja Luka, Zaključkom Ureda za razmatranje žalbi Bosne i Hercegovine broj JN2-03-07-1-2301-6/22 od 08.9.2022. godine, odbačena, dana 14.9.2022. godine, kvalificiranim ponuđačima, dostavljeno je Obavještenje o nastavku postupka za LOT 2 i LOT 4 i o novom terminu za dostavljanje početnih ponuda i pregovaranje.

Komisija je konstatovala da su do određenog roka pristigle 3 (tri) ponude i to ponuđača: Avio servis „IKAR“ a.d. Banja Luka, SHOT d.o.o. Zenica i MIPEX-AUTO RS d.o.o. Banja Luka.

Komisija je uvidom u gore navedene ponude konstatovala da su ponude ponuđača Avio servis „IKAR“ a.d. Banja Luka, SHOT d.o.o. Zenica i MIPEX-AUTO RS d.o.o. Banja Luka ocijenjene prihvatljivim što je konstatovano u Zapisniku broj 09-20-11-2-1518 od 11.10.2022. godine.

Pregovori sa ponuđačima SHOT d.o.o. Zenica i MIPEX-AUTO RS d.o.o. Banja Luka, obavljani su dana 12.10.2022. godine, dok sa ponuđačem Avio servis „IKAR“ a.d. Banja Luka, nije obavljeno pregovaranje obzirom da je njegov predstavnik obavijestio u telefonskom razgovoru da neće doći na pregovore, što je konstatovano u Zapisniku broj 09-20-11-2-1518 od 12.10.2022. godine. Dana 13.10.2022. godine ponuđačima SHOT d.o.o. Zenica i MIPEX-AUTO RS d.o.o. Banja Luka upućen je poziv za dostavljanje konačnih ponuda.

Komisija je na sastanku održanom dana 20.10.2022. godine izvršila analizu zaprimljenih konačnih ponuda, u smislu da li ispunjavaju uslove navedene u pozivu ugovornog organa za dostavljanje konačne ponude. Utvrđeno je da je iznos ponude ponuđača MIPEX-AUTO RS d.o.o. Banja Luka za LOT 2 43.712,47 KM bez PDV-a, odnosno 51.143,59 KM sa PDV-om, a iznos ponude ponuđača SHOT d.o.o. Zenica za LOT 2 29.145,60 KM bez PDV-a, odnosno 34.100,35 KM sa PDV-om. Procijenjena vrijednost za LOT 2 iz tenderske dokumentacije je 17.000,00 KM bez PDV-a, što je konstatovano u Zapisniku broj 09-20-11-2-1518 od 20.10.2022. godine.

Obzirom da je kriterij za dodjelu ugovora najniža cijena, Komisija je Sektoru za materijalno-finansijske poslove uputila akt broj 09-20-11-2-1518 od 20.10.2022. godine, kojim je traženo provođenje e-aukcije u navedenom postupku. Dana 28.10.2022. godine Komisija je zaprimila akt Sektora za materijalno-finansijske poslove broj 20-20/1-11-2-1518 od 27.10.2022. godine, u prilogu kojeg je dostavljen izvještaj o toku i završetku e-aukcije za LOT 2 broj 1412-3-1-114/22 od 27.10.2022. godine, što je konstatovano u Zapisniku broj 09-20-11-2-1518 od 01.11.2022. godine.

Obzirom da je ponuda iznad procjenjene vrijednosti Komisija je Sektoru za materijalno-finansijske poslove uputila akt broj 09-11-2-1518 od 02.11.2022. godine, kojim se tražilo izjašnjenje da li u Budžetu imaju obezbjeđena finansijska sredstva za navedenu nabavku.

Dana 09.11.2022. godine Komisija je zaprimila akt Sektora za materijalno-finansijske poslove broj 20-20/1-11-2-1518/22 od 08.11.2022. godine u kojem je navedeno da će biti obezbjeđena finansijska sredstva u Budžetu Federalne uprave policije za LOT 2, što je konstatovano u Zapisniku broj 09-20-11-2-1518 od 15.11.2022. godine

Na osnovu svega navedenog Komisija daje preporuku rukovodiocu organa da donese odluku o izboru najpovoljnijeg ponuđača za LOT 2 ponuđaču SHOT d.o.o. Zenica sa cijenom 29.145,60 KM bez PDV-a, odnosno 34.100,35 KM sa PDV-om, koja u formalno-pravnom i tehničkom smislu u potpunosti zadovoljava zahtjev ugovornog organa.

POUKA O PRAVNOM LIJEKU:

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog/prvostepenog organa.

Prilog:

- Zapisnik o ocjeni konačne ponude 09-20-11-2-1518 od 20.10.2022. godine
- Zapisnik nakon proveden e-aukcije broj 09-20-11-2-1518 od 01.11.2022. godine
- Zapisnik broj 09-20-11-2-1518 od 15.11.2022. godine

Dostaviti:

- Sektoru za mat-fin poslove
- ponuđačima
- u spis


ZAMJENIK DIREKTORA
GENERALNI INSPEKTOR POLICIJE
Ensad Korman